

- 1. MINISTARSTVO ZA BORAČKA PITANJA KANTONA SARAJEVO**, koga zastupa Ministar **mr. Muharem Fišo** (u daljem tekstu: Ugovorni organ) i
- 2. Javna zdravstvena ustanova - banjско rekreativni centar "Aquaterm" Olovo**, koga zastupa direktor **dr. Senad Selimović**, (u daljem tekstu: Dobavljač), zaključili su u Sarajevu, dana 30.03.2017. godine

## U G O V O R

**o pružanju usluga banjског liječenja i medicinske rehabilitacije za pripadnike boračke populacije Kantona Sarajevo za 2017. godinu**

**Usluge Anex II dio B**

**Glavni CPV – JRJN 85000000-9 (Usluge u području zdravstva)**

**Dodatni CPV - JRJN 85140000-2 (Razne zdravstvene usluge)**

### Član 1.

Predmet ovog Ugovora je pružanje medicinskih i ostalih usluga banjског liječenja u objektima Dobavljača shodno prihvaćenoj ponudi broj 31-02/17 od 27.02.2017. godine, evidentiranoj pod brojem 06-14-9611/17 od 02.03.2017. godine.

### Član 2.

Ugovorni organ se obavezuje da, u skladu sa odobrenim budžetskim sredstvima, preko odgovarajuće službe planira, rezerviše i šalje pripadnike boračke populacije-korisnike usluge u objekte Dobavljača. Korisnici se šalju u grupama uz predviđeno trajanje usluge od 14 dana po korisniku, odnosno 21 dan za ratne vojne invalide paraplegičare.

### Član 3.

Ovaj Ugovor se zaključuje u skladu sa Pravilnikom o postupku dodjele ugovora o uslugama iz Anex-a II dio B („Službeni glasnik BiH“, broj 66/16) i Javnim pozivom broj 06-14-2951-1/17 od 08.02.2017. godine objavljenom na web stranici Ugovornog organa, za grupu korisnika usluga upućenih spiskom Ugovornog organa broj: 06-14-12597-1/17 od 30.03.2017. godine koji je sastavni dio ovog Ugovora.

### Član 4.

Ugovorni organ će, u skladu sa Pravilnikom za utvrđivanje prava na banjско i klimatsko liječenje (medicinska rehabilitacija), na osnovu dokumentacije iz koje se neposredno može utvrditi potreba za medicinskom rehabilitacijom (preporuka ljekara specijaliste; odluka o upućivanju pacijenta na medicinsku rehabilitaciju donijeta od strane nadležne Komisije i drugo), Dobavljaču upućivati pripadnike boračke populacije kod koji se prvenstveno radi o sljedećim oboljenjima:

1. Reumatološka oboljenja

(Arthritis rheumatoides, aarthritis psoriatica, osteoarthritis, arthritis reactiva, spondylosis deformans, morbus bechterew i ostala reumatska oboljenja);

2. Neurološka oboljenja

(Stanje poslije ICV-a, hemiparesis, monoparesis, paraparesis, quadriparesis, hemiplegia, paraplegia, sclerosis multiplex, hernia disci, radiculopathia, lezije perifernih živaca i druga neurološka oboljenja);

3. Ortopedska oboljenja

- (scoliosis, kyphosis, coxarthrosis, gonarthrosis, stanja poslije amputacije ekstremiteta, stanja poslije implantacija endoproteza i druga ortopedska oboljenja;
4. Metabolička oboljenja  
(Diabetes mellitus, GIHT);
  5. Dermatološka oboljenja  
(Psoriasis vulgaris).

#### **Član 5.**

Dobavljač se obavezuje da će za potrebe korisnika usluga obezbjediti usluge na bazi bolničkog dana:

- pregled lekara,
- medicinske usluge po nalazu lekara (minimum 5 terapija-fizikalnih tretmana).
- smještaj u 1/2 i 1/3 sobama,
- ishrana na bazi punog pansiona (tri obroka dnevno sa mogućnošću izbora minimalno tri jela)
- korištenje sportsko-rekreativnih sadržaja (bazen, trim kabinet, stoni tenis, bilijar, šah i sl.).

#### **Član 6.**

Cijena pružanja usluga iz Člana 5. iznosi 65,934 KM po jednom bolničkom danu.

Za djecu od 0-5 godina usluge dobavljača su besplatne, a za pratioca cijena je 65,934 KM.

Cijena uključuje sve troškove boravka korisnika usluge.

Dobavljač je u skladu sa članom 24. Zakona o porezu na dodatu vrijednost („Službeni glasnik BiH“, broj 9/05 i 35/05) i članom 25. Pravilnika o primjeni Zakona o PDV-u oslobođen od plaćanja PDV-a.

#### **Član 7.**

Predviđena dužina boravka u objektu Dobavljača je 14 dana, a u slučaju medicinske potrebe, produženje će se izvršiti izuzetno na prijedlog ordinirajućeg lekara i uz saglasnost nadležne Komisije Ugovornog organa.

#### **Član 8.**

Ugovorni organ će prema ovom Ugovoru, odnosno priloženom spisku na rehabilitaciju uputiti 23 korisnika.

Ukupna vrijednost Ugovora za predviđenu dužinu boravka iznosi 21.230,748 KM.

Ugovorni organ zadržava pravo da umanjí izraženu ukupnu vrijednost Ugovora ukoliko se isti bude morao smanjiti zbog nedovoljnog priliva sredstava u Budžet Kantona Sarajevo za 2017. godinu ili iz drugih opravdanih razloga, a što cijeni Ugovorni organ.

#### **Član 9.**

Ukupna vrijednost ugovora se izuzetno može uvećati iz razloga navedenog u Članu 7. Ugovora.

#### **Član 10.**

Ukoliko iz opravdanih razloga lice kojem je Ugovorni organ omogućio banjsko liječenje kod Dobavljača ne završi omogućeni boravak, davalac usluga je dužan fakturisati samo vrijeme provedeno kod Dobavljača.

#### **Član 11.**

Plaćanje obaveza utvrđenih ovim Ugovorom vršiti će se u roku od 15 dana od dana fakturisanja, odnosno prema dinamici priliva budžetskih sredstava. Uz fakturu Dobavljač je obavezan priložiti otpusna pisma.

## Član 12.

Za koordinaciju oko upućivanja pacijenata ispred Ugovornog organa zadužuje se Osman Smajlović, pomoćnik ministra, a ispred Dobavljača Esad Hamzić.

## Član 13.

Dobavljač kome je dodjeljen ugovor neće sklapati podugovor ni o jednom bitnom dijelu ugovora bez prethodnog pismenog odobrenja ugovornog organa. Elementi ugovora koji se podugovaraju i identitet podugovarača obavezno se saopćavaju ugovornom organu blagovremeno prije sklapanja podugovora. Ugovorni organ obavjestit će dobavljača o svojoj odluci u roku od 15 dana nakon prijema saopćenja, navodeći razloge u slučaju odbijanja. Dobavljač kojem je dodjeljen ugovor snosi punu odgovornost za realizaciju ugovora.

## Član 14.

Ugovorni organ shodno članu 72. tačka 6. Zakona o javnim nabavkama BiH postavlja uslov da dobavljač kojem je dodjeljen ugovor o javnoj nabavci nema pravo da zapošljava, u svrhu izvršenja ugovora o javnoj nabavci, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, nadležna za dodjelu navedenog ugovora o javnoj nabavci, najmanje šest mjeseci po zaključenju ugovora.

## Član 15.

Ovaj Ugovor stupa na snagu danom potpisivanja, a važiće do okončanja terapije za korisnike upućene prema spisku broj: 06-14-12597/17 od 30.03.2017. godine, a koji će se Dobavljaču dostavljati u prilogu.

## Član 16.

Ukoliko eventualne sporove ugovorne strane ne budu mogle riješiti sporazumno, za sve nastale sporove nadležan je sud u Sarajevu.

## Član 17.

Ovaj Ugovor je sačinjen u 4 (četiri) istovjetna primjerka od kojih svaka strana zadržava po 2 (dva) primjerka.

Za Dobavljača



dr. Senad Selimović, direktora

Broj: 77-04/17  
Sarajevo: 30.03.2017. godine

Za Ugovorni organ



mr. Muharem Fišo, ministar

Broj: 06-14-9611-1/17  
Sarajevo: 30.03.2017. godine